

四庫全書

集部

欽定四庫全書

學餘堂詩集卷二十五

翰林院侍讀施閏章撰

五言律

北樓對雪

瓦雪斜侵枕溪風迴入樓  
關山迷老馬江漢失孤舟  
樹白雲俱斂天垂水不流  
因憐稻梁雁無路覓汀洲

過間雲菴

聖俞詩風雪  
雙羊路即此

幽人頻出郭野寺已深山路近雙羊古心知獨鳥間晴  
煙含竹塢冬日煖柴關尚想高僧去孤雲不可攀

旌陽寺舍

一月宿精舍坐看芳草生歸心知物換客感對僧平山  
市春蔬儉溪春夜火明勞勞頻轉側慙負曉鐘聲

隱龍方氏義井

山潤長疑雨千家舊井存疎泉通地肺倒海瀉雲根飲  
酌人皆壽氷霜氣益溫灌園逢野老嘯傲倚柴門

覺今園題主人壁

作客頻年事荒園半畝閒  
栽花多讓竹臨沼忽看山  
簷雨穿簾入林鶯拂座還  
誰憐為物役春日望鄉關

許湛明白嶽讀書處曰翠微天

平生愛丘壑抱影棲翠微  
山鬼借藜火神猿敲洞扉  
月來高樹白鐘響亂雲飛  
他日下巖去人從天際歸

饒景玉雪厂

爾住畫圖內春鶯時往還  
丹青送風雨庭戶入溪山  
花

落選難埽客多心自閒相攜練水上楊柳醉同攀

海陽汪氏園

客園多茂樹林影似吾廬地暖春嘗果朋來夜剪蔬開  
軒散鷗鷺繞檻吐芙蓉歸計翻無定山妻嬾報書

歙浦別吳匡從翰林

分轡燕臺後相逢是故鄉尋春同策杖惜別屢移觴四  
月啼鶯老千山落日黃金門方待詔何處共林塘

弘濟寺登大士閣

寺門有  
杉櫺樹

寺倚寒江石天銜水國秋懸巖千葉覆危閣一拳浮日  
冷杪攞樹帆歸蘆荻洲游人頭白盡不改暮潮流

天逸閣追悼朗三

閣中人已去三徑未全荒舊句看題壁殘書積滿牀亂  
藤穿瓦裂老檜逐年長不用聞鄰笛愁來自斷腸

懷蔡大美江行戲柬

作客歸無計應知夢草堂浮名驅策遠小婦別離長江  
路多春雨山村易夕陽牡丹開太早不及共君觴

錢聖月重至宛陵有紀年詩

記昔論文處寒雲落敬亭人驚亂後在山比別時青甲  
子存詩史滄洲賸客星十年一尊酒判醉不須醒

禾塘麻天為宅

孤村百戰後多難尚安居舊閣頽秋雨名園種野蔬存  
亡雙眼淚家世一牀書酒盡難言別慚予友道疎

西礪值葛元士

亂來歡聚少祇訝髣毛蒼嬾性耽林壑生涯倚稻梁身

間牛自飯谿近蟹先嘗倘遂幽棲志扁舟問草堂

響山臨眺同諸子有懷杓同

城南山在望將老始登臨路斷漁樵跡潭空鳥雀音浦  
沙春漲落村樹晚烟深忽念幽棲客滄洲不可尋

次吳興

輕舟乘曉發百里不知遥綠水分村巷黃魚出板橋蠶  
成桑葉盡溪暗橘花飄賣酒壚邊泊高樓何處簫

昭慶寺贈心公



西泠纔繫艇到即叩君廬曲徑鐘聲細空堂竹影疎交  
能容白社禪不廢儒書階下莓苔淨無勞更掃除

登會稽郡閣

郡閣倚崔嵬千重黛色開山留神禹穴地擁越王臺挂  
海孤虹遠橫雲列岫來坐看生羽翼飛夢到天台

家長野太守招游曹山及吼山

石斷忽成谿懸巖陰復低登臺迷上下浮艇失東西絕  
壁魚龍氣危藤鶴鶴栖使君幽興極攀盡白雲梯

白魚潭尋張桐君及其兄木弟南士

潭上高人宅藤蘿陰覆牆就涼從席地臨水復移觴信

宿歡難盡窮愁嬾不妨瓠魚憐極小滋味喜初嘗

魚形如瓠

子故名

柯亭

荒亭何處是斜日下秋陰過客猶尋竹前賢舊賞音人  
烟梅市白山色剡溪深長笛從君聽風吹疎樹林

梅山

子真隱此有煉丹泉

道跡聞吳市聲名占越山幽尋不憚遠高卧豈知還海  
色登峰見江雲入袖間惟餘煉丹井積冷照人間

贈雍頭陀

陸雍之自  
稱雍頭陀

遠公纔一至令我庖厨清對酒惟揮麈畫龍愁點晴澄  
湖白鳥浴碧樹陰霞生日暮倚高閣狂歌遺世情

天衣寺同景玉桐君

有舞松一株相傳晉  
人所植又有雙帶泉

招提秦望麓絕勝虎溪頭石徑一松古山堂六月秋僧  
繇殘畫没北海斷碑留雙帶門前水依依不肯流

二

遠山齊木杪一帶晚烟橫月照竹林早露從衣袂生雲  
中孤壘隱峰頂怪禽鳴偶借支公榻蕭然夢亦清

寄胡新昌海若時見招游南明山

故人真薄宦念我復如何書到西陵渡情深剗水波地  
偏容客少邑小得山多遙憶沃洲路惟應支遁過

山陰即目

雨後鑑湖綠山川盡可憐四時皆笋候萬井各溪邊傍

檻多垂柳當門試採蓮還聞歌管亂處處木蘭船

乘興與桐君過南華山館留簡登子

主人能埽徑客到每無期樹老陰連水花多夏滿枝蓮  
舟溪女掉菰米野童炊吾意閒來往林昏歸未遲

姜桐音見過千峰閣有贈

高閣橫霄漢閒雲時往還同傾天際酒坐俯越中山禹  
穴鄰書屋耶溪到竹關少年吟太苦早晚髩毛斑

剡中羅星亭

剡曲曉冥冥溪邊千仞亭潮聲連舜水峰影識金庭山

郭人烟白河橋雨樹青樓頭今夜望何處少微星

用戴逵居

剡時月犯少微星事

旅中七夕

先慈諱日先君子有天上橋成日人間絃斷時之句

莫說雙星會徒添兩淚流生來悲陟屺客久恨登樓江  
樹烏啼夜山城蟲響秋重憐隔丘壠無路哭松楸

祁氏寓園

有池通鑑湖是祁中丞自沈處

別墅高人意蒼巖照碧潯池穿鑑湖曲雲合會稽深灌

木吟晴日荒臺背夕陰芙蓉秋水綠猶見汨羅心

酬梅八丈子翔見寄

東溪青百折經歲未相尋遠樹暮雲合孤村芳草深  
醉看漁綠浦春憶杖遙岑忽覺傷離別梅花落滿林

別山陰息柯亭時桂花初發

秋深方鼓棹臨發復登臺題字滿書屋流雲上酒杯  
人當風雨散花到別離開叢桂能招隱淮南客再來

三江閘

太守湯公紹恩按列宿置二十八洞紹  
人祠之舊有三江衛兵防海寇今廢

驅石截天塹，湯公舊澤長。  
白虹垂欲動，列宿儼成行。  
井竈魚鹽集，君蒿俎豆香。  
還應存古戍，莫待海波揚。

九日同安又舟泊采石

九日逢晴日，離人得故人。  
山亭同酒醖，水市膾江鱗。  
捉月千秋事，揚舲萬里身。  
懸巖叢菊細，偏聽客愁新。

九華山東巖

旁有天柱峯王文成嘗燕坐東巖

山到東巖好，橫開翡翠屏。  
招提含宿雨，洞壁倚寒星。  
杖底千峯小，烟中九子青。  
昔人曾燕坐，天柱一荒亭。



秋浦尋劉興父不值

壯士祇為客自然成白頭  
正傷遲暮眼重起別離愁  
竹  
斷城邊路江平天際舟  
看君讀書處風葉一庭秋

承恩寺懷吳見末

往同寺寓有夜懷孟貞  
作今孟貞墓木拱矣

寺閣清光滿論詩憶共君  
階前餘白露天末去孤雲  
薄  
官何時達高歌不可聞  
應憐石湖叟秋草沒荒墳

送李近士歸豫章

殘臘別逡巡到家應早春  
隔年休改髻將母敢言貧  
山

月隨征棹江梅傍釣綸誰知宦游子羨爾獨歸人

江寧重別顧與治

顧有田瀕海  
歲存漂沒

屢會真難得相逢幾日間薄田滄海畔羸馬鼓輦間寒  
共僧廬酒貧推國士顏坐看懷抱盡好為買青山

二

聲名空爛漫生計苦依違舊作多焚草貧遊却掩扉浣  
花存小築桃葉自漁磯見說淮陰去王孫何處歸

送高念侶同年之官嶺南

久別羊城路因君憶舊遊瘴來諸嶺夕雨急百蠻秋卉  
服迎旌節鄉心滿驛樓明年還北闕莫向日南愁

酒間贈倉部范正

范嘗解俸婚杜于  
皇刻邢孟貞遺集

江干烽火際忼慨盡君觴握手無多語中心自不忘貧  
交存杜甫遺草問襄陽別後相思劇絨詩寄一囊

江浦逢立春

客路從茲去愁邊春故來一天殘雪在幾處早梅開粉  
署官何補車塵老暗催年華與鄉思悵望獨登臺

元夕過朱澹子侍御

今夕人皆醉情深是此筵相憐飛動意不記別離年漏  
靜孤城外天寒滄海邊從君看積雪月出倍嬋娟

寶應酬朱周楨

看君非泛愛一晤盡平生永夜春燈靜空階霽雪明壯  
年詩律老在野史書成酌罷射陽酒愁聞征馬鳴

書海州郵舍

馬耳峰前路孤蓬獨往還滄洲無野鶴

地故  
產鶴

城郭是空

山驟雨停征轡驚沙損客顏猶傳望魯處懷古悵難攀

海濱有孔望山傳

是孔子望魯處

久不得侯韓振藍山消息

罷官已隔歲歸計竟如何戰地豺狼逼天涯魑魅多時  
違甘放逐親老恨蹉跎望遠魂無定搖搖楚水波

都下葺邸舍

借屋寧須葺棲遲作計難空庭留月入獨客畏春寒丘  
壑遙憐我蓬茅不礙官鷓鴣吾有賦醉裏避人看

二

拙宦容高枕騷歌擬卜居官猶是長物室豈定吾廬短  
榻頻留客空齋半積書往來車馬數誰念病相如

學士方坦菴先生夜集月下

先一夕月食至是更皎

開逕寬來往看雲自卷舒偶成河朔飲真似灤西居影  
靜空明裏光添剝蝕餘轉憐今夜好清話滿樵漁

簡何省齋中允

時悼亡作蝶夢詩

中允還高卧涼風此夕秋情多那免病年少豈應愁家

自變龍後身從日月游祇疑苟奉倩不得比莊周

送吳見末之閩

為郎兼比舍不復嘆知希如我兩人癖那堪萬里違詩  
工能用拙官老獨忘機欲作隨陽雁南征伴爾飛

季介華同年遺番舶錦褥

日南遺錦褥珍重勝兼金祇欲存方物非關厭布衾雙  
文蠻女繡萬里故人心却藉烏皮几光輝爛素琴

天壇尋吳右舟

不因高士住那得到郊壇露氣曉堂靜松聲夏簟寒僧  
閒歸物外山遠出林端却羨新秋月抱琴君獨彈

右舟座中限鹽字

道士藥酒釀

滿座紛書帙疎花影竹簾呼童具雞黍隨意點藟鹽曳  
杖星雲近論文甲乙嚴香醪兼藥物醉後幾回添

坐壇松下

幽興不擇地坐來亭午涼微颼人語寂斜照閣陰長白  
晝傳笙鶴清秋散雪霜去天惟尺五徙倚問蒼蒼



京邸與劉潤伯飲時劉四十初度

談諧同總角富貴莫相忘今日官皆冷秋風髮欲蒼  
帝鄉成歲月客路感行藏何似家園好臨溪累百觴

二

斗酒勿辭醉新詩為爾吟星霜兩歲長松菊百年心  
好武才何健論文興不禁比鄰相待老同傍玉山岑

懷草閣

溪上百尋閣城頭疊嶂山捲簾當杳靄高枕過潺湲  
烟

月白無際霜楓丹照顏向來閒徙倚長嘯出人間

寄雲中汪涵夫郡丞

汪家白門

昔作滄江客官臨紫塞隅雲中鼓鼙接關外雁鴻孤  
磔晨飛面冰霜秋在鬚君聽羌笛夜應憶白門烏

題王藉茅內翰觀覺斯宗伯墨蹟

聲名中秘舊閥閥洛陽尊義獻書無敵談遷史並存論  
才揮玉塵立馬倒金樽忽動尊鱸興風塵向夕昏

送彭燕又歸雲間

時江南以海氛戒嚴

窮交難聚首住久見仍稀老恨秋蓬轉愁看獨雁歸冰  
霜沾旅鬢輦鼓到漁磯祇覺江南好無勞歎掩扉

得與治書言江田累劇病卧京口

驚心千里札只作數行啼破產歸流水殘生廢杖藜窮  
偏嬰物役老更逐羈棲惻惻懷空切關河望眼迷

送孫衣月檢討歸武進

時以詞臣建言自請  
為武進縣令被謫

抗疏原非職艱難獨此衷危言成石畫直性恥雷同俞  
嘑恩皆重行藏道不窮看君拂衣去浩蕩五湖中

二

疾俗真成病疎狂敢望恩義難忘鄙屋官反薄金門詞  
賦收吾黨江湖念 至尊他年宣室召忼慨更敷言

送方邵村同年恤刑楚粵

舊曾游楚粵送子倍關心絕塞干戈滿孤城瘴癘侵亂  
離人命賤赦宥國恩深若聽哀猿叫無勞沾客襟

二

七星巖險絕杖策會須攀路傍青冥去人從霄漢還香

風憐桂嶺圖畫見君山潑墨堪乘興仙槎幾日間

題曹子顧編修陸舫

開徑遲佳客攤書閉竹關  
繁花深遠座獨鳥遠還山丘  
壑風塵裏登臨庭戶間  
浮沈金馬意白日向人間

送吳閬中瑤如

滕王營建宮室謂之閬苑

萬里巴西路孤鴻雨雪天  
荒城看木落危棧入雲懸  
閬苑蠻烟裏琴堂畫角邊  
長卿行諭蜀消息報幽燕

螢火

埋照亦何恨  
熒熒到夕扉  
傍林沾雨重  
穿幔向人飛  
暗覺星河動  
寒疑石火微  
夜闌明月盡  
見爾倍清輝

燕邸秋雨

秋雨今年數  
天寒漸作冰  
崩垣嘶榷馬  
濕翅惱鞦鷹  
親舊離將老  
山園歸未能  
繡書從永夜  
耿耿對疎燈

送許菊溪通政按察江南

節使外臺尊  
風流近侍存  
須令執法地  
益見聖朝恩  
六代供詞翰  
三山入酒樽  
南行漫回首  
早晚又金門

王籍茅宅同楊猶龍張譙明晚坐

時盆榴一實如拳摘以佐酒

並馬過從數情深尊酒親開軒遲好月摘果為嘉賓  
苑悲歌日金門澹蕩人不愁分手迫相隔止西鄰

人日

旅髻逢人日輕寒散帝城條風仙掌動春水御溝生  
身世牽纓冕山河阻甲兵不須吹玉笛楊柳正關情

王蘭陔奉使江南使道省觀

驛路草芳菲星軺出帝畿美君持節去却是故鄉歸  
舟

楫礪磯過江潭子鱗肥登堂花爛漫正應老萊衣

薊門

薊門風當雨風定是初晴北闕雲中迴西山馬上明  
長楊春出獵細柳暮移營儒術慚疎濶為郎白髮生

京邸諸公晚集

高閣春風夜華燈照客時官僚半揚馬酒坐共文辭夢  
繞梅花屋山間桂樹枝何年一攀折京洛贈相思

始得淳兒書



憐渠七歲病纔作數行書字喜無魚魯情知問起居  
鹽貧自好藥餌瘦何如猶憶離家日當門牽我裾

送黃鷗湄宮詹之任楚轄

睿慮方南顧雄藩領上遊滇黔荒服控財賦舊臣謀極  
浦江離綠連天漢水流持籌倘暇日一問庾公樓

何生伯還南陵

春穀城邊路三年夢渺茫送君折楊柳揮手見江鄉魚  
鳥依人近荷葉滿縣香塵纓良可濯切莫負滄浪

送羅漸達宰宜陽

即名伯甘棠地

勞勞頻送客送子悵何如  
女几晴雲散黃河春水波  
歲登輕井稅地僻好絃歌  
召伯甘棠在應知惠政多

再過劉何實看海棠

朝朝連騎出頻為看花來  
不雨延春色當窓照酒杯  
種知燕地少節後故園開  
爛漫今如許還堪醉幾回

遲張山人大風不至

春晚燕山月開樽獨倚樓  
故人游汗漫何處復淹留  
車

馬生交態鶯花異故丘情知即見面竟夕起離愁

送朱山暉備兵朔方

持節臨邊郡論文舊石渠即看千騎出仍載五車書天  
濶戍烟斷春寒關樹疎朔方畿輔地揮手莫躊躇

懷方邵村使湖南

水國春方漲扁舟去渺然波平嶽麓寺天入洞庭船下  
瀨征蠻地長沙弔屈篇勞臣有王事郢曲幾時傳

同舍諸公歎庭樹無巢

蔽帟疑棠樹陰森似柏臺如何燕鳩署無復鵲巢來日  
月寒還照風霜晝未開惟憐鸞鶴在三匝轉裴衷

劉相國夜酌菊花下時方學士坦菴先生在坐

花近入杯香燈殘報夜長清懽薄絲竹餘論及篇章獨  
鶴從窺幔高槐不受霜坐中魚老友款款話難忘

來青軒

好是香山寺東軒舊蹟稀輕陰疎雨散遠色萬峰歸  
宸翰留丹壁靈泉滿翠微先朝遊幸地只有暮雲飛

送陸處實進士教授宛陵

知子平原後懷才與世疎  
心輕虎觀席手著龍門書  
縱欲貧長醉擇官閒有餘  
扁舟宛溪去一為問吾廬

顧介石左遷關中藩幕

久雨遲郊餞心知別路難  
衝泥頻駐馬去國勉加餐  
華嶽烟霄迴函關風日寒  
到時饒感慨地是古長安

送秦廣德石林

時言及建平  
袁開甫先輩

五馬莫踟躕春雲滿客途  
川原入桐汭風俗近姑蘇  
田

稅蠶桑足衙齋魚鳥俱北山有耆舊還肯式吾廬

程幼洪庶常教授吳門

一時臺館散去國且扁舟好卜五湖宅何殊萬戶侯名都賦吳曾文學本言游別後清秋月知君坐虎丘

二

苦吟君好我唱和未從容分手始多恨同心何大慵名留石渠閣家近蓮華峰去去且為樂江天雲萬重

送王挺生令荔波

秋色滿平津征帆去苦辛一身烽火地萬里瘴江人野  
濶天無雁城荒洞有民分符到殊俗努力是王臣

懷張天游客蘭陽

張所居名  
白魚潭

黃河水幾度客舍復離居少婦真提甕高堂獨倚閭蟬  
聲經雨歇榭葉向秋疎何日成歸計寧親饌白魚

送董玉蚪行人使延綏

乍見難為別深秋況遠行霜前催客思關外問王程王  
節黃雲護星輅畫角鳴請君歌出塞莫動故園情





學餘堂詩集卷二十五

欽定四庫全書

學餘堂詩集卷二十六

翰林院侍讀施閏章撰

五言律

報國寺送客因登毘盧閣

別筵人已散乘興閣重遊  
風日開亭午園林報早秋  
層軒棲鶴遍危檻斷雲留  
誰送塵中眼憑虛到十洲

吳聖飛攜酒見過京邸不值

君來自可坐何必主人還良會十年少舊游雙鬢斑況  
當攜斗酒正好話家山笑我緣何出官貧亦未閒

題汪文岫饒景玉聯舟對月圖

飄泊是何夕蒼蒼蘆荻洲雙帆爭挂月孤影對臨流衣  
薄沾宵露沙暄起宿鷗江天今在目吾夢亦同遊

送景玉入浙

此去山川好春光換柳條衣沾天目雨席挂海門潮問  
訊多詞客登臨逐野樵若教遊興劇莫憚赤城遙

送張旭源刺邠州

江南倦遊子五馬去西秦  
霜雪驅馳路關山離別人地  
偏稀過客祿薄速雙親  
捧檄知君喜晨昏愛此身

二

聞說公劉地相沿舊俗同  
人家高堡上雉堞半山巾  
衣食從民樸征徭倚歲豐  
心閒能卧治詩好繼豳風

雪後大名旅懷

乍霽川原凍朔風寒倍增  
暮禽飢啄木疲馬渴銜冰  
大

陸雲千疊恒山雪萬層翻思巖谷裏曝背有閒僧

舟泊滄州登毘盧菴

唐高適滄州人

僧廬依斷岸物色占滄州平野蒹葭暮虛堂松菊秋天  
風催解纜客眼倦登樓借問高常侍何人識故丘

署中雙鶴

風塵非爾地住久暫忘機啄案翻書帙窺軒銜客衣長  
鳴寒月下共望白雲飛會有淩霄翮滄江他日歸

東郡道中

馬蹴黃塵起人行積霧中寒天無過雁近海動悲風戰  
地千年苦平原四面同客心當落日極目見飛蓬

雪夜懷家叔南歸

獨歸人自老歲晚雪中行山繞蒙陰麓江寒楚客程野  
狐蹲斷岸沙雁宿空城不寐知今夕惟應詩思清

過昌邑

觸熱復停驂褰帷對夕嵐林中聞布穀樹杪見眠蠶衣  
染海雲潤泉思山井甘故鄉茶笋熟昨夜夢江南

青州與伯調坐月下

過雨晚風生  
當頭月復明  
酒尊呼北海  
書帶憶康成  
傍檻疎柯影  
空庭落果聲  
論心拚永夕  
他日別離情

雨發青州

古驛羣山畔  
長天滄海西  
山城雲送客  
官路雨成谿  
行色沾蓬鬢  
秋聲逐馬蹄  
荷花開太好  
披折向人低

次長清

虛白生官舍  
蕭疎一草亭  
尊前孤堦迴  
郭外遠峰青  
微

月度雲漢長松立杳冥有懷中夜坐羅袂見流螢

家書至時將近叔父生日

世路驚心日家書寄語頻自憐青鬢改難見白頭人拙  
宦牽愁思傳經憶苦辛榴花空照眼不覺暗傷神

肥城

欽路人烟斷崩巖礧道低黍苗深雉雉山樹散鴉啼小  
邑誰絃誦遺黎賸鼓鼙褰裳獨蹕弔日下萬峰西

舍弟嚴歸里



邇來逾一歲歸去數封書霜雁行相伴原  
鵠義恐疎坐  
應穿木榻貧莫厭柴車遙計中秋月還家  
慰倚閭

五大夫松下看流泉

我尋古松樹愛此巖下泉橫瀉珠簾靜斜  
飛瀑布懸積  
寒生石髮落日動山烟輦道餘荒草長悲  
封禪年

岱嶺夜雨

寒星看掌上暮雨忽樽前積氣無巖壑秋  
聲劃海天萬  
松飛濤裏三觀亂雲邊恍惚身何在真從  
象緯眠

坐獨樹軒

在學使官舍

客散酣歌後秋清搖落時五湖情汗漫獨樹影支離  
剪伐人難到風霜老不辭鵲巢須著穩莫占最高枝

歷下集嚴顥亭馬宛斯陳允倩

小飲論文細開軒見月明荒臺延夜色古木動秋聲  
潦倒人間事虛無身後名莫將白雪調苦問濟南生

雪

海國晴猶雪山雲寒更垂霰初鳴檻竹花已著林枝巖

穴熊羅卧堦除鳥雀悲鄉書斷消息江路滿旌旗

送沈治先歸里

老友如君少君歸奈若何長貧才不盡臨別恨偏多世  
事輸農圃鄉心繫薜蘿姑山存舊業作計莫蹉跎

寒亭驛

古寒  
泥地

驛亭暑色薄滿壁翠琅玕細石流泉冽青天古木寒窗  
陰雙語燕亭午一凭欄惆悵千秋事淒淒芳草殘

灰阜驛

老樹如車蓋蒼蒼覆驛亭風霜枝盡折苔蘚幹偏青落  
日下歸鳥寒雲伴使星夜涼生海氣東望是滄溟

水面亭與陳公朗方伯對雪

時陳遷陝  
西左藩

選勝遲佳客湖亭倒酒卮可憐風雪路正是別離時水  
合魚龍蟄天高鸛鶴飢岱雲連華嶽千里一相思

濟南立春日作

今日晨光好荒城適報春湖雲輕繞樹山鳥早呼人身  
世鶚冠穩艱難龍性馴誰家梅爛漫宜稱此芳辰

送曾庭間

百斗何辭醉良朋萬里來家聲重廬嶽客路過輪臺淚  
積邊城苦詩魚鼓角哀即今猶戰鬪分手一裴裱

盆梅

明日主人出一花今夜開好誰看爛漫為爾立裴裱驛  
使隴頭絕歌聲笛裏哀客愁君不見春色海東來

哭邢奕遠

樂極愛難割傷心死若何酒尊虛夜少樓榭得春多地

下寧歌管人間怨綺羅相思半詞客淚灑舊山河

哀張木弟

木弟憂余病嘗  
貽書戒勿作詩

名藉詩篇著家餘屋壁存百年猶恨短萬事早聲吞總  
帳天風急山樓海氣昏養疴余未暇腸斷故人言

次東阿晚值王子野同年

小邑春光薄荒途倦客過郵亭橫老樹城堞貫長河臺  
近三歸古愁連上已多開樽值朋好逸興未蹉跎

汶上

半霽春陰好平沙趁馬蹄桃花村逕裏楊柳板橋西薄  
霧橫高隴清流到舊隄如何寒食過不見燕銜泥

歷下奉送劉相國還朝

夢想東山臥驅車北闕行歲寒縈主眷頭白嬾王程  
秉軸存遺老論詩薄近名彤庭方側席莫繫故園情

二

岱嶽家園外西山館閣邊衣冠自黃綺杖屨儼神仙坐  
論數陳密廷爭惓惓偏月明方退食散帙手還編

三

帝里過從舊花前鸚鵡杯家惟富圖籍官不暇樓臺濟  
水寒流急雲門暮雨來誰知分手處有客獨遲回

四

憂時潛墮淚惜別黯沾襟壤賦徵求急王師轉戰深安

危今日事調變老臣心魚水恩方洽母愁年髣侵時方命經

畧洪公拓  
定西南

有歎



文字終何益馳驅復此官從人誇絳帳吾自夢漁竿風  
榭飛花急山城宿霧寒窓前有叢竹時把酒杯看

春暮還署齋

官舍碧桃樹虛開兩度花春光驅道路海驛飽風沙檻  
曲含苔綠庭間受竹斜駐顏須料理百斗醉流霞

四月八日

舊傳浴佛日數過憩招提風俗青精飯行吟白接離野  
花隨徑滿溪樹與雲齊何事違初服家山廢杖藜

李都使池亭

幕府流泉入茅亭曲檻通新荷衣袂側啼鳥藥欄中舞  
榭邀明月花時受好風將軍能愛客日日醉山公

登州

郡僻滄洲外城孤絕島邊亂雲時結蜃六月未聞蟬水  
氣垂天濶濤聲裂地穿乘槎問牛女消息轉茫然

重至海鏡寺

海潮菴左舊有小亭面海  
澄碧萬頃余名曰海鏡

借問蓬萊閣何如此地看三山平對酒萬里入凭欄日

落回潮碧風疎清磬寒舊曾觀海市徙倚思漫漫

送尹嘉聞歸吳門

故平樂太守  
黃階子

兩世情難述千行淚迸流父書應盡讀家計莫深憂薄  
宦真萍梗窮交媿薊絳要離塚畔月雙照寸心愁

杓司至歷下

十年貧賤淚到此更銷魂麋鹿慚纓冕風騷廢討論長  
途國士老多難布衣尊君問平生興山園松菊存

夫子手植檜

靈檜無枝葉，虯龍百尺長。何人見榮落，終古一青蒼。  
元氣收東嶽，孤根接大荒。遲回思手澤，俯仰媿登堂。

子貢植楷

手植憑誰記，殘碑留至今。共看獨樹影，猶見古人心。  
閱歷風霜盡，支離天地陰。經過築室處，千載一沾襟。

送張將軍之粵西

驅馬雪中去，天南萬里行。還吳春色好，過楚瘴雲生。  
鏡吹喧江閣，烽烟靜塞城。伏波祠廟在，千古說南征。

歷下送梅子翔歸里

朔風一夜至庭樹葉皆飛孤官百憂集故人千里歸  
岱雲寒不散江雁去還稀遲暮無離別愁君雪滿衣

鍾文子少叅書至自龍安魚贈藥物

聞道龍安戍城居四五家殘黎猶帶甲枯樹少棲鴉  
書信兵荒絕風烟棧閣斜殷勤感持贈飛夢遶天涯

冬夜陸石齋黃心甫過集

雪月皎如此同人今夜看但留詩卷在不覺酒杯乾漏

永啼烏斷庭空獨樹寒所嗟耽薄祿瀟灑媿漁竿

李康侯工部梭山園亭

時康侯在淮

倦眼惜年華招尋石逕斜  
穿池飛磴瀑遶檻疊峰霞  
地冷偏多竹春殘未落花  
李膺吾好友何日共仙槎

明湖書院

高樓連極浦水氣入疎櫺  
檻外巢鷓鴣沙邊叫鶉鴒  
地幽從草綠頭白恨山青  
駘蕩春風暮何人識歲星

濟南東朱山暉副使

君能百斗飲何惜一宵留海氣懸征旆泉聲浣客愁馳  
驅將歲晚浩蕩此生浮安得行藏共論詩到白頭

獨坐

獨坐午陰長羣峰向草堂種蔬侵小徑移石補頽牆雲  
氣隨城白槐花覆地黃買山何日就高卧是羲皇

送王季鴻孝廉歸吳下

誰言君失意歸路入江烟舉網共鱸膾牽舟刈渚田門  
臨虎阜月家就惠山泉賸有詩篇在狂歌不用傳

早春懷劉遠公

劉有扁舟圖詠

無恙扁舟客倦游何處留  
梅花開海畔杜若滿江洲  
避地頭將白憂時淚獨流  
亂離垂釣穩慎莫厭羊裘

己亥中秋後一日千佛山房作

是歲京口被海氛

窓送北風涼松雲散石房  
湖光烟際白山色樹中蒼  
藥餌翻催鬢干戈切望鄉  
菊花含細細留興待重陽

懷杜于皇江寧

舊識高人意飄零只索居  
窮愁時有作疎嬾獨無書  
短



髻江山畔危城烽火餘艱難詞賦賤誰肯問應徐

寄山陰陸雍之

到處頭堪白傷心不在貧  
還應健書畫莫便慙松筠  
雲隱稽山暮花明鏡水春  
醉歌從帶索天地一間人

悼牛長清

名友月山  
西貢生

循吏真難待斯人竟早亡  
衙齋書數卷野老淚千行  
扶櫬家偏遠歸田志未償  
靈巖山畔路駐馬一神傷

仲由墓

一死何其勇千秋墓在茲荒祠留舊碣古木半枯枝野  
曠風沙暗春寒鳥雀悲誰知係人思不是結纓時

歸舟

自山左  
秩滿歸

雙溪七載夢三月片帆歸入舫容高枕開簾見釣磯時  
難偏用拙事往始疑非莽蕩汀洲濶惟看白鳥飛

過顧見山鶴巢

水部多幽興茅齋闕小園繁華陰覆地古樹直當門賓  
客應劉集階除丘壑存論心成痛飲未敢向人言

追答劉止一濟南贈別

憶昨青冥裏相攜洞壑游杖藜穿徑險得句鑿巖留一  
入滄江路回看白雪樓寸心將濟水長向故人流

湖心寺

上方浮近浦繫艇即當門沙漱通寒氣階基落漲痕孤  
城春水岸歸鳥夕陽村款乃歌聲入空庭未覺喧

露筋廟

相傳為鄭蕭二姓按碑刻無名氏  
徐文長直稱為蕭荷花不知何據

野死無名氏千年廟獨存自然堪下拜不用賦招魂風

月清傳珮頻繫香遠門往來纓冕客慚歎向誰論

謁姑山沈先生不值

不踐麻姑路蹉跎十八年摧殘到林木依舊祗山川稚  
子知留客鄰人為刈田清暉如可接暝立草堂前

二

高士真難見幽居谷口園藏書時鑿壁避客屢踰垣賸  
水蒲葦亂空庭鳥雀繁遲回亡限意叢桂重攀援

晚次板橋

霜近水歸壑輕帆不礙橋江村隱亂竹雲雁下層霄宿  
浦漁舟靜回鞍獵騎驕客愁何處所滾滾逐寒潮

舟中贈半山

聞爾幽棲處山房置佛燈丹青聊卒歲雲壑別成僧饌  
煮清溪笋吟扶黃嶽藤六朝多古寺乘興下金陵

雨花臺

古臺微雨歇九日適登臨地小江城盡天寒雲霧深亂  
峰迴鳥道清磬遍松林正學荒祠在哀歌淚滿襟

真州夜發至京口

月明含露白，乘漲命扁舟。  
樹裏見微火，沙邊驚宿鷗。  
櫓鳴爭纜過，風急渡江愁。  
恰及重陽日，金山是勝遊。

金山寺

水國連東海，中流島嶼青。  
風帆爭落日，佛火亂寒星。  
洞穴通雲漢，魚龍上杳冥。  
忽聞喧鼓角，愁絕不堪聽。

鑿江集吳粲如客園

時為余言  
黃山之游

錦石園林古，高齋桂栢秋。  
坐談黃海勝，重繫廣陵舟。  
城

月銜杯落江雲捲幔流計歸應不遠何事起鄉愁

蔣介繁北莊

近郭竹千重開林露遠峰茅亭憑桂樹水閣匝芙蓉密  
箔防魚出香杭帶月春盤餐隨意足深羨老為農

重至廣陵興教寺舊寓

主僧物化精舍不守從予  
寺中三僕今無一存者

別來纔一紀舊路杳難尋不見安禪客惟餘古樹陰僧  
廬還代謝人事總銷沈坐覺浮生盡茫茫淚滿襟

懷蔡大美

時左臂痛痠魚  
間與治之計

窮老兼成病支離萬事疎獨憐存右臂猶不廢鈔書藥  
物艱難日交情痛哭餘江城秋更早木葉下庭除

邗江客舍同孫豹人李屺瞻陳伯璣

澤畔晚招尋閒庭碧樹陰持螯諸味失坐月一宵深世  
久疎揚馬游當問向禽烟霜漸搖落相贈歲寒心

贈龔野遺

曲巷幽棲客何人共往還素琴橫石榻白日掩柴關五  
字清如水幾時閒買山江城明月好相見一開顏



杜于皇鄧孝威過宿寓樓

歲暮客心急如何相見遲可憐令夕會重和去年詩尊  
酒成真率風烟促別離連牀同不寐各自忖歸期

懷吳園次舍人

舊知君故里此日不同游却踏竹西路還尋池上樓烟  
花寒漸減鼓角暮偏愁夢逐邗溝水茫茫向北流

邗江贈巨公

無心成駐錫郭外即雲峰厨供千人飯園栽萬樹松安

禪過兵火說法厭機鋒自到山門後長聞夜半鐘

聞張友鴻司理雲南

別恨三年久驚聞萬里行羊腸紛戰壘虎穴到荒城地  
遠看山盡心慈執法平艱難從佐郡詞賦若為情

龍泉洞

在宣城水東有  
石屋石田諸勝

列炬尋幽壑傾崖礙洞門路紆深不辨石險滑難捫隱  
見龍蛇動高低阡陌存寄言劉子驥休更覓桃源

宿吳天示園中酬其弟在心

屏跡為園好經過落照斜蜂房懸草閣谿月滿山家慈  
竹一叢老紫荊雙樹花論詩從對榻中夜酌流霞

酬高阮懷喜予燈夕見過

到君庭戶內不異入崖阿佳節況清夜幽人合放歌燈  
收山郭早月白草堂多簷際蕭疎影春風動薜蘿

諸公過集待歸閣看梅花

大美治先魯  
生阮懷耦長

小閣傍溪隈疎枝拂酒杯春遲憐地僻歸及見花開帶  
雨香難散衝泥客嬾迴翻嫌何水部發興待官梅

開元寺閣

虛閣聳招提春陰望欲迷  
經函餘貝葉塏影抱丹梯  
山雨雙溪暗江雲萬井低  
浮生媿清境長憶此攀躋

昭慶寺追和陳堯佐舊韻

春深湖岸寺山靄畫難分  
開閣對孤塏披帷來白雲  
野航侵柳徑岸鳥狎人羣  
何處堪回首塵中一磬聲

雷峰塏

古塏南屏麓高標拔地雄  
風霜從剝蝕烟雨入鴻濛  
紺

宇荒苔合朱欄劫火空廢興無限事徒倚夕陽中

諸子汎舟孤山

水抱一山孤春晴積病蘇試風鶯出柳挾子鴨翻蒲佳  
客聯吳越殘梅定有無岳王墳下過愁思滿平湖

韜光寺用白香山韻

寺有呂  
真人閣

丹閣仙人宅香臺佛子家嵐深晴作雨樹老晚成花  
磴口齊藤葉牆根過笋芽聽泉從日暮自煮白雲茶

韜光寺閣

絕磴千尋上飛泉萬壑紆峰頭翻日月樹杪劃江湖危  
檻騰猿入深林宿鳥呼風流賢太守遺詠獨踟躕

晚坐冷泉亭

潺湲夕陽外崖壑徧清音驚嶺橫天碧龍湫到海深寒  
光惟月共夜靜有僧尋誰解塵纓客冷然潭上心

月夜段橋曹秋岳侍郎限羹字

月出山逾碧烟開樹欲明一時羣彥集滿眼五湖情遠  
浦漁舟影高樓玉笛聲興來重把酒中夜煮萸羹

武林贈王丹麓

近市幽棲得過從，野興長種花叢水榭留。  
客卧山房舊物傳，殘塵新書著滿牀。多才應作達，惜別漫神傷。

秦淮閣夜

明月非霜雪滿城，生夜涼閣浮楊柳岸。  
風接芰荷香，漁火平臨檻。蟲聲暗逼牀，誰憐河漢淺。  
牛女獨相望。

宿牛首一燈樓同右舟

日暮惜登臨，丹樓爛碧岑。江城疎雨過，石榻亂雲深。  
羣

岫分燈影秋河落樹林夜涼殘夢後疎檻滿松音

訊舅氏病

八口驅人老何須二豎催賣書供藥餌閉戶長蒿萊雨  
久晨光暗天寒夕響哀應防消渴甚暫廢掌中杯

喜周侍郎釋繫南還

江南真夢斷君豈信生還重踏鄉園路爭開涕淚顏親  
朋深酒坐書畫樂身閒門外青青色多情是故山

二



親病違湯藥愁心兩地懸可憐枯老眼不及見歸船白  
草悲丘隴黃金盡索餽痛餘休墮淚長嘯五湖邊

喜王望如赦還

王以不肯羅織周侍郎下獄論死終不更一語赦歸自號曰過客

事定多艱後天留百折身餘生稱過客急難是全人戰  
勝寧憂老歸耕不厭貧白門黃嶽路吟好伴松筠

九日泊樟樹鎮

故國黃花節離人暮雨天倚檣迷浦嶼歌枕卧江船吏  
事投閒少文章待老傳登高多勝地歷歷數當年

初入臨江

泊舟猶宿霧登岸得新晴  
翠篠穿籬密丹楓夾水明  
江村開曉市田野屬秋成  
父老爭翹首知余攬轡情

官亭即事

歇馬成樓託凭欄  
酒一瓢雀聲空院竹  
秋色半亭蕉  
飄泊津梁倦驅馳  
齒髮凋幽懷獨耿耿  
看月坐深宵

新淦作

吏舍無完壁官厨自裹糧  
寒花看菊盡老樹得椒香  
風

俗甘逋賦村墟改戰場艱虞重民力回首意茫茫

南州答周伯衡副使

時予分守湖西

執手此何日相思不記年坐看江閣好同醉浦雲邊水  
驛之官便山城得地偏往來幽興劇長擬對牀眼

二

雜卉當階滿新篁拂檻長情懷同野老官舍是茅堂疎  
酌緩能醉餘花寒更香短歌相倚和何異濯滄浪

夢宋荔裳

十月二十七夜  
時宋按察浙江

恍惚語纏綿疎狂共綺筵怪來斗酒會不在六橋邊垂  
老艱兒子留賓竭俸錢追歡定何日愁望隔江烟

行部稍憩新喻學舍用壁間韻四首

昏旦相驅策心催簿領中但愁為政拙寧敢怨官窮日  
霧雲山出天寒江海空沙頭鷗鷺在飲啄倘能同

二

論文欣有地偶到鄭虔家竹露暗成雨江雲晴變霞遠  
遊思阜帽多病想丹砂苦愧籬邊菊深冬尚作花

三

渝川風候暖臘近似殘秋城壓一江好楓攢滿眼愁星  
霜供跼蹐吏隱媿沈浮但卜還家日何辭早白頭

四

時盡徙沿海  
編戶入內地

宵分縈百計晨起事茫然壯志思回日幽懷怯問天流  
民填海水吹角亂山烟莫怪無清夢愁來罷醉眠

登新喻城

細橘垂金粟澄江抱玉環登臨當暮景城郭枕空山堞

短虎頻入沙寒鴻未還天高誰借問人事日摧顏

玉几山

新喻縣治後舊有鎮遠樓今廢又南門城下有鳳凰池相傳鳳鳥浴此

孤阜荒城內羣峰入望遙川原存落木樓閣問前朝燒  
起林中獵雲封嶺外樵鳳皇何日至餘興欲相招

夜坐懷葛霜華客章門石亭寺

拂衣君太勇壯歲學無生坐愛江天色吟連鐘磬聲尋  
山從白衲作客餌黃精此夜招提月空階應獨行

二

西泠復南浦短棹任經過家近歸心緩身閒遊興多彈  
碁傾坐客把酒見江波好是高人意君聽漁父歌

哭蔡大美

悲君易箴日是我出門時永訣嗟無及歸來恨少遲家  
貧偏愛客身病強成詩零落藏書在傷心却付誰

二

一生多意氣形影豈宜孤嗜飲從蜨螭防哀借藥扶窮  
猿終失路老蚌竟無珠永斷求羊跡空悲蔣徑蕪

三

夜踏雙橋月朝看疊嶂雲有杯皆共醉無句不相聞徐

劍空悲我

予嘗許贈繭衣至君臨逝始取以殮

盧醫獨悞君幸留阿鵲淚

一為灑孤墳

君妾吳氏封股和藥勿愈誓以死守

四

老友多搖落存君與顧邢

謂與治孟貞

人間無碩果地下倘

玄亭短札猶盈笥新書未殺青敢矜皇甫序悽絕復誰

聽

君輯宣風雅集屬余序未果



豐城道中晤別爾止

虛枉蕭灘棹論心正片時梅殘江畔路  
髣改篋中詩作客知無地言歸恐後期  
干戈兼雨雪併作一相思

答梅淵公見寄有感

好友難重別愁如春草生寄來團扇畫  
復作斷腸聲世路紛多難山田悔不耕  
東流江水急滾滾故園情

二

里巷居相近尊壘病少歡雨憐江岸別  
詩憶稼園看薄

宦驅人老窮交忍歲寒棲遲與飄泊何處是平安

白鷺書院

螺川依郡郭秀絕此芳洲樓閣歡高會衣冠想昔游雨  
來山勢動江暝樹聲秋絃誦千年地茫茫曠野鷗

青原山寺

雨中峰更綠曲徑滿苔痕溪水過林麓山雲出寺門青  
冥飛壙迴空翠一亭存詩思休公劇時吟老樹根

謂樂公

二

衝泥勤杖履看瀑坐忘歸深院藏花靜高僧乞食稀谷  
雲寒不動沙燕雨還飛欲學逃禪去風塵願恐違

蕭氏春浮園四首

近午收殘雨長林受好風不知三徑僻只似萬山中木  
末層臺出雲根小艇通春光漸零落惆悵舊花叢

二

地靜看雲住林深著處迷藤蘿纏舊碣亭閣卧丹梯疎  
磬夕陽外平田春水西黃鶯解留客盡日傍人啼

三

林壑愛蕭疎，平泉總不如。  
塢眠銜草鹿，池老放生魚。  
種藥兼茶圃，留僧置佛廬。  
漫嗟亭館廢，猶是子雲居。

四

不及追前輩，憐予獨後遊。  
高懷丘壑見，喬木宋元留。  
野老能行酒，園丁解弄舟。  
婆娑問遺事，流水暮生愁。

寄芝麓先生

時左官  
上林丞

吾鄉耆舊少，天末久離居。  
思苦易成夢，情多難寄書。  
身

名漂轉內日月醉歌餘文字今寥落重聞賦子虛

中秋日集雲根亭

樹裏城樓出亭邊江水流  
吾儕各詞賦佳節共淹留  
日晚雲霞合風香橘柚秋  
他時存勝跡倘似峴山游

雲山人山房

逕轉疑無地山房斲杳冥  
近江花砌冷倚樹蘚牆青  
林挂飛來錫窓存自寫經  
滄洲有明月先到爾堦庭

學餘堂詩集卷二十六

欽定四庫全書

學餘堂詩集卷二十七

翰林院侍讀施閏章撰

五言律

西山翠巖寺

乘興入巖寺流泉谷口喧  
春催羣岫綠雨過衆花繁  
覽物隨蒼髯尋山當故園  
悠然崖際坐心賞更何言

洪崖井

野橋何處覓丹井自泠泠  
髮髯看三疊潺湲愛獨聽仙  
源知遠近山影亂空冥鑿石誰題字惟餘壁蘚青

螺墩

四面皆水如螺浮  
是少宰熊公別墅

雨後漲春波江心泛綠螺  
繫舟清磬發繞砌白鷗多  
岸坼勤添竹風香近種荷  
山公來取醉時有習池歌

盆荷

裊裊當階舞田田出水長  
葉高清几席花暖先去聲池塘  
聽雨秋聲早回風夜氣涼  
醉來心浩蕩鷗鷺倘吾鄉

憶王山長

六年千里隔寄我數行書  
狂態微官縛高情舉世疎  
九疑青戶牖七澤富樵漁  
勞爾頻相憶江湖感索居

酬陳士業寺寓見遺之作

中夜知無寐天寒忽雨聲  
僧廬落葉滿客枕亂愁生  
耆舊人爭識艱難老獨行為君沽美酒十日醉山城

張桐君自嶺南歸山陰逾歲尚滯宣城其母夫人已下世矣



參軍舊藩府作客老江城慈母黃泉恨羈人白髮生塗  
窮羞墮淚交廣悔多情消渴還詞賦諸侯識馬卿

家叔自臨江歸里頻值北風

哀白久成翁征途逐轉蓬淚添歡聚後愁滿夢魂中山  
郡猿啼雨江潭客守風已歸仍旅食遙望隔西東

故人有責予報書者

書札三秋嬾應憐吾道窮病增多事後身老壯年中絕  
聲看歸鳥長天恨轉蓬殷勤千里夢倘與故人同

懷梅幼龍移居

何處尋梅尉移家就蔣村  
怒流安水碓深樹蔭柴門  
詞賦閒居得漁樵晚計存  
城東虛草閣寂寞野雲昏

薛子壽見示免官後諸詩感而有作

起句用薛語

虎豹真慈物斯言淚滿衣  
全生猶過望多難始知非  
黃葉連江下孤帆冒雨歸  
布袍安穩著長掩故山扉

薛脫繫即

以布袍終身

懷周侍郎罷官遊湖上

相逢桃葉渡君棹武林舟魚鳥親人好烟霜動客愁空  
書慵遠寄老淚恨難收清淺西湖水還應照白頭

送丁景呂

別筵從濟水高會復臨陽身世隨江海山城滿雪霜地  
荒行客苦老去浩歌長舊宅三洲近何時築草堂

臨江元旦同伯調桐君弘載賦

夜雪朝仍霽明霞照眼紅春風爭歲首天意示年豐鶴  
舞江城外山青草閣中故人傾竹葉不必恨飄蓬

寄李萬安冲淵

十八灘頭縣蕭條幾戶存  
沿江交虎跡亂水齧城根  
野戍鶯花斷山風日夜昏  
艱難看作吏念爾一銷魂

寒食惶恐灘

灘頭到惶恐節序屬清明  
翠合江天色愁連今古情  
荒原山兕叫廢堡蘚垣傾  
楊柳何須折鄉心傍爾生

夜過伯衡言別

日落閉嚴城相過片月明  
清歡留茗椀苦語聚燈檠  
七

載滄江吏殘春倦客情別離皆漸老脉脉念平生

發章門

累日困人事歸舟如故鄉西山惜分手送我開清光茅  
屋向波綠江花隨岸香一官真作客敢問路何長

送伯調歸山陰

久客歸心急臨歧別恨生十年同酒醺他日共詩名薄  
宦親交見憂時涕淚傾盈盈一江水不盡送君情

西昌官舍夜坐

暑坐宜深夜重憐古驛亭城涼生白露月皎奪疎星絡緯先秋至藤蘿接地青勞歌還獨笑只合老郊坰

舟中立秋

垂老畏聞秋年光逐水流陰雲沈岸草急雨亂灘舟時事詩書拙軍儲嶺海愁存饑今有歲倚棹望西疇

送桐君還江南

時間其尊大人至  
自晉陽將同還越

乘漲扁舟急涼風復早秋趨庭輕遠道解纜失羈愁久別應頭白空歸莫淚流惟餘蕭浦客獨立倚江樓

遣病

已識愁為病愁來奈爾何  
俸錢供藥盡官閣坐醫多  
老樹雀頻啄微風江自波  
浮生真忝竊惆悵紫芝歌

青原五笑亭

隔竹間泉響空亭滿樹陰  
簷將飛閣峻地枕釣臺深  
欲語獨成笑何人知此心  
猶餘一片石留客坐鳴琴

題西峯蘭若

地近天華山

數里見深樹隔城間曉鐘  
門開平野濶簷宿碧雲重  
暮

雀依寒竹仙猿下雪松  
雨華何處所天半有青峰

初冬月夜登愚樓得飛字

是夕有懷治先赤方  
阮懷耦長諸舊遊

雨歇雲歸岫樓空月滿扉  
高林明野寺遠浦辨漁磯  
草木新霜改登臨舊侶稀  
江天孤雁影忍見夜深飛

西江得方學士甦翁先生書

時自塞外歸  
暫客廣陵

入塞仍羈旅書來淚滿纓  
悲歡成隔世哀白重關情  
遠竄全家在生還萬事輕  
幾時歸客夢安穩石頭城

聞熊少司馬引疾歸山



幾年間卧病一出復抽簪天路馳驅遠江湖  
恩遇深歸帆明積雪舊閣攬遙岑闕下夔龍侶應知黃綺心

石谿寺

有唐裴林題額  
盧肇讀書臺

青林藏石磴紺宇逼城隈松雨連山響江雲入寺來烟  
迷題字碣草沒讀書臺客到空懷古庭花歲歲開

天寧寺

唐觀察使韋宙得江中五錢佛  
置此改稱鐵佛寺見危素記

石龍磯畔寺鐵佛事猶傳車馬有時過堦庭長寂然數  
峰明返照一樹障諸天官舍山窗外鐘聲到枕邊

送方敦四之虔州

雨雪傷心夜，羈人獨去時。  
路長殘歲逼，灘折片帆遲。  
別酒難成醉，愁顏早覺衰。  
休言出塞事，重引淚如絲。

曲水鋪

一望平蕪綠，千巖霽色遙。  
園茶初吐葉，驛柳未成條。  
駐馬尋山寺，啼鶯過野橋。  
年年流水畔，春色為誰消。

寄荅陸在璞

君才應早達，壯歲未成名。  
別後書頻寄，何年酒共傾。  
鶯

花經眼日江海獨遊情間說閩南去前途正甲兵

俞去文寓書見訊兼寄梅都官集

江遠離情苦遺書問訊遲空慚叢桂樹勞寄宛陵詩簾  
捲月來閣雨鳴泉滿池幽棲多勝事羨爾北山陞

新喻郭西蕪田彌望書示官吏

百里田皆廢荒原鳥不飛流亡何日盡井竈到今稀野  
潦沒官路山雲寒客衣可憐芳草色獨自領春暉

宿界首

是新喻宜  
春分界處

旅宿無遷次村墟剩幾家遺民半閩楚沃土斷桑麻月  
滿空山白垣摧老樹斜夢回驅曉騎野戍有悲笳

化成巖

春晴巖自濕幽處是雲根竹密初疑暗鶯多不厭喧江

帆連雉堞烟樹暖漁村故友風流甚題詩滿眼存

故守同年

吳泰巖題句最多讀之追歎

二 時初構語石亭題  
巖西石洞曰青蓮

古樹垂藤匝繁花夾路生為亭當怪石選洞錫嘉名晚

照遙峰見高飛獨鳥輕何人堪共語擊磬數聲清

發宜春

新霽岫雲輕春風送客行高臺迴嶂隔深樹雜花明村  
徑半牛跡山田皆水聲出門纔幾日鷓鴣已先鳴

自分宜之安福道中

山腰通石磴人影入青蒼高隴分田細回峰劃水長問  
炊迷野店飲馬歇村莊游賞撥鄉思餘春殊未央

至安成

節侯將梅雨風光已麥秋田家深谷住山郭碧溪流邑

里多君子林巒足勝游講堂間尚在懷古欲淹留

有鄒東廓

王塘南諸公講院

### 登鈴山

行役且登臨長橋倚碧岑問泉尋舊井驅馬歇高林城郭江雲合亭臺野蔓深數株松柏古已受斧斤侵

### 送劉根生之任清遠

寒江連瘴雨君去若為行午夜尊前語孤帆嶺外情地

衝當驛路峽險傍山城共有平生約相期冰雪清

未老

未老忽將老曰歸猶未歸檻花經雨盡沙鳥過江飛  
文字生涯薄交游晚節稀訟庭滋碧草差抵北山薇

秀江遣悶

宜春縣有靈泉釀酒佳

荒城十日坐獨客萬山中風俗巫師重征徭閭井空朝  
烟含宿雨夏夜語秋蟲漫說靈泉酒愁顏不易紅

石乳洞

在宜春

窈窕尋幽壑青冥得洞扉半巖垂乳竇不雨濕人衣徑  
黑山魃走雲蒸石燕飛近江清絕地行客到來稀

喜伯璣歸自江南

故國來何暮陶陶永夜情近江看月色把酒到鷄鳴歸  
隱仍無計愁吟過此生吾哀今已甚愧爾說詩名

臨江喜吳六並至次韻

寸心久寥落祇與素交期南北幾年別干戈兩地思路  
難為客倦官拙乞身遲相見情何極俱成滿鬢絲



栗豆

初秋栗未充實好事者先取噉之謂之栗豆

新栗大如豆擎來著手香殷勤憐小摘饕餮恣初嘗清  
可同冰雪甘還壓蔗漿故園餘幾樹歸夢繞山堂

贈李泰和扶霞

作吏難如此誰言吾道非橐無五斗在身逐片雲歸事  
外閒消病塵中早息機田園殊不惡莫厭舊漁磯

同郡僚諸公集山曉樓

女牆低繞檻傑閣遠含風秋水幾時漲晴山四望同青

螺烟樹杪白鷺酒杯中江楚今清暇酣歌興未窮

胡袁州來送別

是時胡已免官留滯袁州

拂衣真嘯傲送我却沾纓舊業因官盡繁霜滿鬢生途窮仍客舍木落又秋聲清絕袁江水相知非世情

伯衡遺陽羨磁壺

來詩傳惠貺勝事一時俱舊物封題好閒心托贈殊提攜邀野客質樸稱潛夫盧阜簾泉水還能共飲無

李李卿品

谷簾泉為

天下第一

贈李維饒孝廉

結廬形勝地，閉戶有山川。  
野鶴窺池立，江雲倚檻懸。  
書從行客借，詩任老夫傳。  
此別真惆悵，涼風月在天。

湖口得宗有六同年書

江漢傷心地，風濤見面難。  
殷勤十年別，憑寄一書看。  
客裏移家苦，霜中策馬寒。  
北征能計日，應及話長安。

叔父同舍弟阮遲予蕪關，  
團圞竟夕，次日予北發。  
小泊聚江干，帆開淚未乾。  
路長催老易，家近恨歸難。  
長

大看吾弟浮沈付一官今宵渾不寐倍覺夜漫漫

夜趨銅井途中遣悶

野岸荒蹊窄泥途夕發難叩門求炬火策杖倚江灘樹  
擁重雲黑風驅驟雨寒喜聞村犬吠猶遣客心寬

長干塔燈

層標入太清火樹晚崢嶸列宿繁輝奪諸天永夜明經  
聲傳寺閣人語靜江城炯炯孤眠客中宵念此生

贈徐江浦載錫

何意馳驅客殷勤接舊游舟車邀水驛絃筦醉江樓棠  
邑山川古金陵風物秋北征霜雪裏揮手重離憂

自滁至濠數日行淖中

行役平生慣祗今堪白頭緣岡塗數改過雨潦還流野  
暗無烏鵲泥深沒馬牛驅馳吾分定念爾僕夫愁

汶上和壁間詩

野曠孤城冷郵亭風颯然艱難隨逆旅棲遁想前賢庭  
樹先霜老家書倩客傳髣髯君莫問馬上送殘年

懷二松在濟南學使署中

手植雙松樹今年幾尺長孤根來岱嶽寒性許風霜抱  
甕憑誰灌披枝著意防關情多舊物會見爾昂藏

高唐飲儲亦士署齋

時自銅仁司李左遷  
暫視州事有黔歸詩

不見除書久君從何日來問知名姓笑坐定酒尊開東  
縛從為吏騫騰自惜才黔歸詩數卷尚聽暝猿哀

貢景州鹿田留飲

旅館荒荒夜親交款款情年逾一紀別愁覺二毛生疲

驛頻爭馬空村半住兵相憐故人酒深傍菊花傾

李岷瞻解官客濟南有汎明湖見懷諸作

東國羈棲久多君不我忘聲情揮涕淚文字果光芒夢  
逐明湖遠愁連汶水長飛書憑片月好墮故人旁

見此瞻河間集有偕王築夫作因憶及之

李膺為政好聞與故人俱將母貧還出

築夫以母老不出遊論詩

遠不孤官齋留幾日客舍就窮途萬事漁樵穩思君返

甓湖

留別郭生洲同年

郭將赴官漢中聞予至留二日以待

緩發待行客情多難具論對眠移木榻臨別強金尊霜  
棧寒驅馬江船夜聽猿心知征路遠未敢說銷魂

贈王西樵吏部

時方脫繫卧病予就視之情見乎篇

謝客知君病衝寒強入門遠離稀見面多難獨驚魂偃  
蹇存吾道生全荷

聖恩篇章餘興在造次得深言

謁華麓田夫子

時為刑部員外郎



一別燕秦遠從遊少壯稀那知今會面劇喜欲沾衣仕  
學身難並林泉願重違康成慙屬目敢說嗣音微

二

同儕多八座夫子始為郎官舍秋曹冷鄉心渭水長把  
杯驚聚散看鏡感行藏自問飄零客何年登此堂

飲馬觀楊通政宅

銀臺愛丘壑郎舍是園林留客坐明月當軒開素襟貧  
諳遊宦薄別惜歲時深尚說滄浪好頻誇白雪音

董玉蚪侍御宅同汪荅文葉子吉

地偏明月好夜靜白雲生  
京雒留吾輩壺觴不世情  
侵衣花檻露歸騎曉鐘聲  
憑記江都宅風流滿帝城

王子言檢討頻過寺寓不值

上客來何數虛聞款竹關  
苦心存舊好著意到衰顏  
古寺空晨夕高雲自往還  
浮生仍物役斟酌幾時閒

同籍

同籍雲霄在相逢得幾人  
酒尊虛袞袞車馬各嶙嶙  
遇

舊多斑髯傷離獨病身萍蓬自無定不敢怨風塵

嬾性

嬾性安疎賤虛名趨走多公卿蒙應接筋力愧蹉跎病後清歌短塵中白日過子牟方戀闕何事夢山阿

夜別吳匡從少司寇

離筵重卜夜合坐促行觴此別幾時會舊遊難可忘升沈憑道合老大鬪身強驛路梅花發懷君何處將

追和王宗伯敬哉先生贈別

江南歸夢切分手忽沾襟不盡尊前語難為別後心風  
霜征路遠烟月故山深天未知回首相思何處尋

別姚敬存都諫

晨夕苦招尋相過意不禁十年青瑣闥一片布衣心日  
月高天迴龍蛇大澤深誰憐倦遊子多病欲抽簪

送吳右舟之官文縣

喜見之官日重舍望遠心攜家遲度隴別我暮分襟邊  
稅徵輸儉山城雨雪深秦州相接近不得廢長吟

二

君行燕雪霽到日隴梅春邑小自餘暇官廩合稱貧關  
門通蜀道部落雜番人才力平生健應無厭苦辛

野宿任丘道中

荒途寒易夕歸客獨銷魂烟火屯兵雜陂塘飲馬喧村  
炊從土銚野宿傍柴門垂橐心無恐貧知吾道尊

晚次阜莊

嚴霜難早起短景更長途野曠雲山絕天寒客騎孤歸

鴉啼廢壘狡兔沒平蕪向夕村醪薄微沾病未蘇

慈仁寺值李以理同年

乍見驚難定窮愁髣未侵氣伸多難日嶽立一生心  
雪寺尋僧奕松壇對月琴向來湖海日漂轉到如今

過長清懷濟南舊遊

論文昨日事歷下五年遊湖影涵官閣泉聲滿郡樓  
山川經眼遍風物過時愁多難推耆舊諸生幾白頭

宿靳庄有懷靈巖寺

距寺十五里

獨宿荒村夕靈巖隔數峰寒烟貪策騎晚景罷支筇雪  
滿空山月風疏古寺鐘向來長嘯處猶記倚孤松

雪中望岱嶽

碧海烟歸盡晴峰雪半殘冰泉懸衆壑雲路鬱千盤影  
落燕齊白光連天地寒秦碑凌絕壁杖策好誰看

晚過泰安趙侍御率爾留飲

垂白矜歡會登堂遽把杯自言家釀薄不道故人來剪  
燭看顏色憂時卧草萊難忘為真率馬上首重回

哭劉何實學使

昨日寄書去誰言吾友亡  
病哀纔舉子留滯久為郎  
薄命文章促愁雲海岱長  
諸生依講席淒斷幾人腸

二

近逢齊魯客問訊倍沾巾  
好事能過我憐才不畏人  
藥欄吟句苦畫舫汎湖頻  
痛惜風流盡空遺八口貧

三

共是西曹客同官東魯來  
喜先遊關里恨不到蓬萊  
君知



余海市歌在蓬萊閣喜動顏色詞賦精魂在生徒氣運摧秬看雙玉樹

淚眼為君開

將次蒙陰

出沒羣峰內迢回古樹根烟鐘知野寺雪屋見山村道  
遠殘年逼城荒落照昏逢迎慙故舊饕餮費盤飧

憶溥恪兩兒

江國秋來別家書歲底遲汝爭催我老誰定好為兒官  
舍三冬靜離亭獨夜悲會應知向學未許漫論詩

長春寺贈錢舍人寶勣

愛子詩篇好頻聞吳會誇省曹通禁閨襍被寄僧家披  
豁交何晚飛騰景未斜從來揚馬輩詞賦重京華

題馬西樵聽山堂

有客卧郊坰林泉接杳冥湖雲通夜白水樹涉冬青鄰  
圃分幽徑孤槎傍小亭獨吟冰雪裏絕調許誰聽

茂之爾止野遺閣公俞邵晚集寺寓

齋厨尊酒薄歲晚復舍情久客安羈旅偷閒戀友生詩

從僧磬得心與野梅清臨別添惆悵更闌聽雨聲

歲暮牛渚阻風

去日阻風處歸途仍石尤空懷千里恨獨泊一孤舟  
除夕來朝逼寒潮背客流家人知望遠日上水邊樓

李司馬園齋用韻

共說幽居好招尋每在園亭臺穿竹栢氣候變朝昏  
花砌添新種春池沒舊痕悠悠湖海意更得幾人論

雨登愚樓

不信春風暮  
荒城衆草齊  
江光涵樹白  
雨氣壓天低  
密葉藏鳩乳  
平沙散馬蹄  
誰家有畫舫  
日月繫長隄

過峽江縣

郭外平蕪遠  
孤城半嶺懸  
帆檣依候火  
閭井入江烟  
舊跡巴丘古  
仙臺玉筍偏  
經過問形勝  
惆悵好山川

午日同諸公集鷺洲

樓迴烟光濶  
洲長草色新  
江山知令節  
魚鳥勸勞人  
散帶涼風入  
銜杯過雨頻  
荒城無競渡  
舟楫靜通津

吉州官亭

卜室成虛白經年客少過攤書憑石几倚枕夢山阿老  
樹枝全秃新篁日更多漆園稱吏隱懷古意如何

銅鑼江登岸還郡值雨

江淺飛帆澀洲回野望長不辭紆道路正見好林塘竹  
徑低雲碧柑園過雨香農疇沾灑急轉喜濕衣裳

釣魚臺晚泊

吉州界

岸崩沙徑狹江濶冥烟深駭浪天吳出悲風山鬼吟沿

磯紆錦纜把火過青林應有垂綸客空潭何處尋

聞伯璣東湖草堂成

高卧從茲定狂歌未寂寥買魚看出網沿月自移橈浦  
樹連山閣潮雲帶野橋得間吾就飲策杖肯辭遥

送汪孝觀是同年汪玉濤子

蕭然送子去江路是新秋年少始為客身孤難久遊辛  
勤負米意哀白倚閭愁故舊應相念無勞雙淚流

懷嶺北祖漢若副使

祖舊為侍  
御善琴

過雨涼風好千秋霽色開遙聞驄馬客夜下鬱孤臺海  
嶠雲隨棹江潭月在杯知君清興發應抱素琴來

聞杓司計

響山空在口到死未還山多病貪為客浮生自不閒詩  
篇殘藥裏兒子隔江關尊酒猶前日清歡難重攀

中夜

時有  
星變

倚枕不能寐惟舍中夜情為誰催白髮持底蒼蒼生天  
意星辰見秋聲鼓角清已閒哀痛 詔羣盜忍縱橫

再過螺墩寺有懷

落日平臯遠扁舟野寺通  
積陰餘徑柳寒色報江楓  
城郭千檣外汀洲片雨中  
遙憐許玄度心賞竟誰同

石亭寺

唐韋丹帥江西與寺僧靈徹善徹報詩云  
相逢盡道休官去林下何曾見一人即此

處

徹公飛錫處繫艇數經過  
歲久石亭廢秋深江水波  
香臺馴鳥雀清磬靜鼃鼃  
誰使高僧諠歸心此夜多

臨陽送洪美周歸歙



久客變寒暑秋殘人獨還  
共憐蒼髯短却望白雲間  
茶竈能臨水松園自掩關  
因聲報朋舊吾夢在黃山

閣阜山同治先作

是葛仙翁  
煉丹處

東峰碧樹林秋色晝常陰  
獨鶴松杉靜荒壇歲月深  
井留丹竈藥山見白雲心  
千載尋幽蹟悠悠直到今

學餘堂詩集卷二十七